

КАФИСМА ПЕРВАЯ

Псалом Давиду,
не написан у еврей, 1

¹ Блажен муж, иже не иде на совет нечистивых и на пути грешных не ста, и на седилищи губителей не седе, ² но в законе Господни воля его, и в законе Его поучится день и ночь. ³ И будет яко древо насажденное при исходящих вод, еже плод свой даст во время свое, и лист его не упадет, и вся, елика аще творит, успеет. ⁴ Не тако нечестивии, не тако, но яко прах, егоже возметает ветр от лица земли. ⁵ Сего ради не воскреснут нечестивии на суд, ниже грешницы в совет праведных. ⁶ Яко весть Господь путь праведных, и путь нечистивых погибнет.

Псалом Давиду, 2

¹ Вскую шаташася языцы, и людие поучишася тщетным? ² Предсташа царие земстии, и князи собрашася вкупе на Господа и на Христа Его. ³ Расторгнем узы их и отвержем от нас иго их. ⁴ Живый на Небесех посмеется им, и Господь поругается им. ⁵ Тогда возглаголет к ним гневом своим и яростию Своею смятет я. ⁶ Аз же поставлен есмь Царь от Него над Сионом, горю святою его, ⁷ возвещая повеление Господне. Господь рече ко Мне: Сын Мой еси Ты, Аз днесь родих Тя. ⁸ Проси от Мене, и дам Ти языки достойные Твое, и одержание Твое концы земли. ⁹ Упасеши я жезлом железным, яко сосуды скудельничии сокрушиши я. ¹⁰ И ныне, царие, разумейте, накажитесь вси судящии земли. ¹¹ Работайте Господеви со страхом и радуйтеся Ему с трепетом. ¹² Примите наказание, да не когда прогневается Господь и погибнете от пути праведного, егда возгорится вскоре ярость Его. Блажени вси надеющиеся Нань.

¹ Псалом Давиду,
Внегда отбегаше от лица Авессалома,
Сына своего, 3

² Гóсподи, что ся умножиша стужающи ми? Мнóзи востаю́т на мя, ³ мнóзи глаго́лют души́ моёй: несть спасéния е́му в Бóже егó. ⁴ Ты же, Гóсподи, Застúпник мой еси́, сла́ва моя́ и вознося́й главú мою́. ⁵ Гла́сом моим ко Гóсподу воззва́х, и услы́ша мя от горы́ святы́я Своея́. ⁶ Аз усну́х, и спах, воста́х, я́ко Госпóдь заступит мя. ⁷ Не убою́ся от тем людéй, о́крест нападающих на мя. ⁸ Воскресни́, Гóсподи, спаси́ мя, Бóже мой, я́ко Ты порази́л еси́ вся враждующыя ми всúе: зúбы грéшников сокруши́л еси́. ⁹ Госпóдне есть спасéние, и на лю́дех Твои́х благословéние Твое.

Слава:

¹ В конéц, в песнех
псалом Давида, 4

² внегда́ призвати ми, услы́ша мя Бог правды моея́, в скóрби распространи́л мя еси́, ущéдри мя и услы́ши моли́тву мою́. ³ Сы́нове челове́чести, доколе́ тяжкосéрдии? Вску́ю любите суету́ и ищите лжи? ⁴ И увéдите, я́ко удиви́ Госпóдь преподóбнаго Своегó: Госпóдь услы́шит мя, внегда́ воззва́ти ми к Нему́. ⁵ Гне́вайтесь, и не согрешáйте, я́же глаго́лете в сердца́х ва́ших, на лóжах ва́ших умилíteся. ⁶ Пожри́те жéртву правды и упова́йте на Гóспода. ⁷ Мнóзи глаго́лют: кто яви́т нам благáя? Зна́менася на нас свет лица́ Твоегó, Гóсподи. ⁸ Дал еси́ весéлие в сéрдце моём: от плода́ пшени́цы, вина́ и елéа своегó умножи́шася. ⁹ В ми́ре вку́пе усну́ и почию́, я́ко Ты, Гóсподи, еди́наго на упова́нии всели́л мя еси́.

¹ О наследствующем,
псалом Давиду, 5

² Глаго́лы моя́ внуши́, Гóсподи, разумéй звáние моё. ³ Вонми́ гласу́ молéния моего́, Царю́ мой и Бóже мой, я́ко к Тебé помолю́ся, Гóсподи. ⁴ Заúтра услы́ши глас мой, заúтра предстану́ Ти, и úзриши мя. ⁵ Я́ко Бог не хотáй беззакóния, Ты еси́: не приселíteся к Тебé лука́внуяй, ⁶ ниже́ пребúдут беззакóнницы пред очима́ Твоима́: возненави́дел еси́ вся дéлающыя беззакóние. ⁷ Погуби́ши вся глаго́лющыя лжу: мýжа кровéй и льсти́ва гнуша́ется Госпóдь. ⁸ Аз

же мно́жеством ми́лости Твоея́, вни́ду в дом Твой, поклоню́ся ко храму свято́му Твоему́, в стра́се Твоём. ⁹ Го́споди, наста́ви мя пра́вдою Твоею́, враг мои́х ра́ди испра́ви пред Тобо́ю путь мой. ¹⁰ Яко несть во устéх их и́стины, се́рдце их су́етно, гроб отве́рст горта́нь их: язы́ки свои́ми льща́ху. ¹¹ Суди́ им, Бо́же, да отпадúт от мы́слей свои́х, по мно́жеству нечестия́ их изри́ни я́, яко преогорчи́ша Тя, Го́споди. ¹² И да возвеселя́тся вси упова́ющи на Тя, во век возра́дуются, и всели́шися в них и похва́лятся о Тебе́ любя́щии и́мя Твое́. ¹³ Яко Ты благослови́ши пра́ведника, Го́споди: яко ору́жием благоволе́ния венча́л еси́ нас.

¹ В ко́нec, в песнях о осмом,
псалом Давиду, 6

² Го́споди, да не я́ростию Твоею́ обличи́ши мене́, ниже́ гнёвом Твои́м нака́жеш мене́. ³ Помилуй мя, Го́споди, яко немо́щен есмь, исцели́ мя, Го́споди, яко смято́шася ко́сти моя́. ⁴ И душа́ моя́ смяте́ся зело́: и Ты, Го́споди, доко́ле? ⁵ Обрати́ся, Го́споди, избáви ду́шу мою́: спаси́ мя ра́ди ми́лости Твоея́. ⁶ Яко несть в сме́рти поми́на́й Тебе́: во а́де же кто испове́тся Тебе́? ⁷ Утрудихся воздыха́нием мои́м, измы́ю на вся́ку но́щь ло́же мое́, слеза́ми мои́ми постéлю мою́ омочу́. ⁸ Смяте́ся от я́рости око́ мое́, обетша́х во всех вразéх мои́х. ⁹ Отступите от мене́, вси де́лающи беззако́ние, яко услы́ша Госпо́дь глас пла́ча мо́его: ¹⁰ услы́ша Госпо́дь моле́ние мое́, Госпо́дь моли́тву мою́ прия́т. ¹¹ Да посты́дятся и смяту́тся вси врази́ мой, да возвратя́тся и усты́дятся зело́ вскóре.

Слава:

¹ Псалом Давиду, егóже воспет
Го́сподеви о словесéх Хусиевых,
Сы́на Иемениина, 7

² Го́споди Бо́же мой, на Тя упова́х, спаси́ мя от всех гоня́щих мя и избáви мя: ³ да не когда́ похитит яко лев ду́шу мою́, не су́щу избавля́ющу, ниже́ спаса́ющу. ⁴ Го́споди Бо́же мой, а́ще сотвори́х сиé, а́ще есть неправда в руку́ мою́, ⁵ а́ще возда́х воздаю́щим ми зла, да отпадú у́бо от враг мои́х тощ. ⁶ Да поженёт у́бо враг ду́шу мою́ и да пости́гнет, и поперёт в зéмлю живóт мой, и сла́ву мою́ в

персть вселит. ⁷ Воскресни́, Го́споди, гнёвом Твои́м, вознеси́ся в конца́х враг Твои́х, и воста́ни, Го́споди Бо́же мой, повеле́нием, и́мже заповедал еси́. ⁸ И сонм люде́й обы́дет Тя, и о том на высоту́ обрати́ся. ⁹ Госпо́дь су́дит людем: суди́ ми, Го́споди, по правде мое́й, и по незло́бе мое́й на мя. ¹⁰ Да сконча́ется зло́ба грешных, и испра́виши пра́веднаго, испыта́й сердца́ и утробы́, Бо́же, пра́ведно. ¹¹ По́мощь моя́ от Бо́га, спаса́ющаго правы́я се́рдцем. ¹² Бог суди́тель пра́веден и кре́пок, и долготерпели́в, и не гнев наводи́й на всяк день. ¹³ Аще не обрати́тся, ору́жие Своё очи́стит, лук Свой напряже́ и угото́ва и ¹⁴ и в нем угото́ва сосу́ды сме́ртныя, стрёлы Сво́я сгара́емым соде́ла. ¹⁵ Се боле́ неправдою, зачат боле́знь, и роди́ беззаконие: ¹⁶ ров изры́, и ископа́ и, и паде́т в я́му, ю́же соде́ла. ¹⁷ Обрати́тся боле́знь его́ на главу́ его́, и на верх его́ неправда его́ сни́дет. ¹⁸ Испове́мся Го́сподеви по правде Его́ и пою́ и́мени Го́спода Вы́шняго.

¹ В конце́, о точилех,
псалом Давиду, 8

² Го́споди, Госпо́дь наш, я́ко чу́дно и́мя Твоё по всей земли́, я́ко взятся великолéпие Твоё превы́ше небес. ³ Из уст младе́нец и ссу́щих совершил еси́ хвалу́, враг Твои́х ра́ди, е́же разруши́ти врага́ и ме́стника. ⁴ Я́ко узрю́ небеса́, дела́ перст Твои́х, луну́ и звёзды, я́же Ты основа́л еси́. ⁵ Что есть челове́к, я́ко по́мниши его́? или́ сын челове́чь, я́ко посеща́еши его́? ⁶ Ума́лил еси́ его́ ма́лым чим от а́нгел, славою́ и че́стию венча́л еси́ его́. ⁷ И поста́вил еси́ его́ над де́лы руку́ Твоёю, вся покорил еси́ под но́зе его́. ⁸ Овцы́ и во́лы вся, е́ще же и скоты́ польски́я, ⁹ пти́цы небесны́я, и ры́бы морски́я, преходя́щяя стези́ морски́я. ¹⁰ Го́споди, Госпо́дь наш, я́ко чу́дно и́мя Твоё по всей земли́.

По 1-й кафисме, Трисвятое,
Пресвятая Троице... Отче наш...

Тропарь, глас 1: В беззаконных зачався аз, блудный, не дерзаю взирати на высоту́ Небесную́, но дерзая на человеколю́бие Твое, зову́: Бо́же, очисти́ мя, грешнаго, и спаси́ мя.

Аще праведник едва спасается, аз где явлюся, грешный? Тяготы и зноя дневнаго не понесох, но с наёмники едионадесятого часа соприти мя, Бóже, и спаси мя.

Слава: Объятия Отча отверсти ми потщися, блудно мое иждих житие, на богатство неиздиваемое взираяй щедрот Твоих, Спасе, ныне обнищавшее мое да не презриши сердце. Тебе бо, Господи, умилением зову: согреших на Небо и пред Тобою.

И ныне: Упование христиан, Пресвятая Дево, Егоже родила еси Бога паче ума же и слова, непрестанно моли с горными силами дати оставление грехов, нам всем и исправление жития, верою и любовью присно Тя чтущим.

Господи, помилуй (40) и молитва:

Владыко Вседержителю, Непостижимо, начало света и преумная сила, иже Ипостасного Слова Отец и единосильнаго Твоего Духа испуститель: милосердныя ради милости и неизреченныя благодати не презревай человеческаго естества, тмою греха содержимаго, но Божественными светы священных Твоих учений, законом и пророки светивый миру, последи же нам того единороднаго Твоего Сына Благоволивый плотию возсияти и ко осиянию нас Твоего просвещения наставити: да будут уши Твои внемлюще гласу моления нашего, и даруй нам, Бóже, во бденном и трезвенном сердце, всю настоящего жития ночь прейти, ожидающим пришествия Сына Твоего и Бога нашего, судий всех, да не возлежаще и спяще, но бодрствующе и воздвигени в делание заповедей Твоих обрящемся и в радость Его совнидем, идеже празнующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков, аминь.